

"A bastaressin dîs, vincj furlans come Tarcisio Petracco par sdarnâ il Friûl e par rivâ a discjoliu di chê flaperie e di chê indifferance, che i fâs pierdi la memorie dal so passât gloriôs e che lu rint sotan di un consumisim malsan, che i robe la culture e la anime plui sclete...". Lis peraulis proclamadis dal arcivescul Alfredo Battisti la di des esecuiis dal professor Petracco a tornin tal cjâf impreperibil tal nestri dialic cul professor Giampaolo Molinari, che o vin stât a cjatâ a Torean, par tirâ dongje il so ricuart dal president dal Comitât pe Universitât furlane.

Fra i colaboradôrs di Tarcisio Petracco, Giampaolo Molinari al è stât un dai prins e dai plui atifs. In grazie sò, ai 10 di Fevrâr dal 1972, la riunon costitutive dal Comitato per l'università friulana e je stade fate li dal istitût Malignani di Udin e, cun Petracco, Luigi Rizzolatti, Lucio Peressi e Pietro Angelo Zanin, propit di in chê volte, al è diventât component dal so prin consei diretîf. Il professor Molinari al è nassût a Torean dal 1939. Diplomât li dal liceu Stellini di Udin, si è indotorât in Fische di Padue e po al è diventât professor di fisiche e di matematiche tai istitûts superiôrs di Udin.



**Ai 29 di Març dal 1910, al nasseve a Sant Zorç de Richinvelde Tarcisio Petracco, l'om che duç a cognossin tant che il pari de Universitât dal Friûl. Indi fevelin cun Giampaolo Molinari, un dai siei prins e plui atifs colaboradôrs**

## Centenari di un grant furlan

**Professor, cemût aial cognossût Tarcisio Petracco?**

Al è stât lui a cirîmi me. Mediant dal fat che la mê femine e jere stade une sò scuelare, al veve savût che o jeri impegnât tal sindicat de scuele. Dal 1969 al 1971, di fat, o ai vivût une esperience sindicâl ferbinte, imbastint la sezion provinciâl e regionâl de Sism Cisl. I amis di Padue a vevin conseât Petracco di meti sù un comitat par dâi so stance ae sò aspirazion di operâ par une universitât furlane. Cussù al veve pensât che o varès podût judâlu e mi



impensi che, al inizi dal mès di Dicembar dal 1971, al è rivât la prime volte in cjase da me, che in chê volte o jeri a stâ in vic Petrarcje, a Udin. Daspò, cun Petracco, a jerin ançje Guido Barbina, che al jere te Cisl Università, e po Ezio Terenzani, Luigi Leita e monsignôr Ermenegildo De Santa.

**Tic e tac, il comitat al è nassût.**

Stant che in chê volte o insegnavi al Malignani, i ai domandât al preside se o podevin fâ li la riunon costitutive e si sin dâts dongje ai 10 di Fevrâr dal 1972. L'at di costituzion al è stât firmât di Tarcisio Petracco, Luigi Leita, Giampaolo Molinari, Emma Pittino, Pietro Zanin, Aldo Castellani, Mario Valerio, Didimo Bertoldi, pre Ermenegildo De Santa, pre Pietro Londero, Valentino Bettuzzi, pre Saverio Beinât, Giovanni Sello, Luigi Bocin, Franco De Luca, Carla De Giovannini, Gino di Caporiacco, Gianfranco

Sorrentino, pre Giovanni Lavaroni, Lucio Peressi, Marilena Castenetto, Peruch Natale e Alessandro Tedeschi, in dite di ordins professionâi e di istituzioni di dutis trê lis provinciis furlanis.

**E dopo, fin cuant aial lavorât tal comitat?**

Daspò dai prins agns di grant impegn, che in pratiche par doi agns o ai simpri stât dongje dal president, mi soi tirât in bande, dopo che dut il nestri lavôr al veve rivât adore di otignî dome la concession dal bien di inzeagnarie, come sucursâl di Trieste. Fra 1974 e 1975, o jeri rivât ae conclusion che i furlans no meretavin nuie e che al jere miôr spietâ tîmps plui favorevui, ançje se no ai mai molât di partecipâ aes iniziativis plui impuartantis: Ma, par fortune, Petracco al è cjatât il no-

grant afiet: "O che grand'uomo, ma che tormento". Nol veve rivuât di dismovimi ançje vie pe gnot, cuant che al veve bisugne di conseâi o di confidâmi cualchi compit di fâ.

**Ce rapuart veval cul professor?**

O ai simpri vût un bon rapuart cun lui e un confront une vore confidenziâl. A Udin si stave dongje di cjase e po si faseve il stes mistîr, fint cuant che lui, tal 1975, nol è lâ in pension. L'an dopo, al è rivât il moment dramatic che al à pierdût so fi. Al frequentave inzeagnarie e la malatie che lu à copât si jere palesade dopo tornât di un viaç cun so pari in Grecie, tal 1974. Di in chê volte, Petracco nol à plui volût lâ tal país che tant al amave, lui che al jere un studiôs fin e inzornât dal mont classic, fint cuant che nol à

vût lui te lote pe universitât?

Mi impensi in particolâr di cualchi impegn, che o vevi ricevût la incariche. Par un esempli, chel di

*"A bastaressin dîs, vincj furlans come Tarcisio Petracco par sdarnâ il Friûl e par rivâ a discjoliu di chê flaperie e di chê indifferance, che i fâs pierdi la memorie dal so passât gloriôs e che lu rint sotan di un consumisim malsan, che i robe la culture e la anime plui sclete..."*

**Alfredo Battisti  
arcivescul di Udin**

sticâ la riprese de iniziative pal svilup e pe incresse de facultât di inzeagnarie, che dîs agns dopo de fondazion, si jere come indurmidide e fermade. E, daspò de muart di Petracco, chel di sensibilizâ, une par une, lis grandis impresis furlanis su lis oportunitâts di sostegn e di colaborazion cul nestri ateneu. No stin po a dismenteâsi de lote a pro de facultât di Medicine che, par inviâle come cu va, al comitat i à tocjât di messe dâsi in mût mastin e acanît.

**I plasie la definizion di Petracco "Pari de Universitât furlane"?**

I paris de Universitât, come che o ai ançje scrit, a son al mancul 125mil: duç chei furlans che a an firmât la propueste di leç di iniziative populâr dal comitat e duç chei che, cul comitat e ançje prin, a an lotât in ogni forme pal obietîf.

**E Petracco?**

Petracco al è stât il lôr strissinadôr, cun dut che al jere un om une vore timit: un benemerit vèr dal Friûl, che al à impegnât dut in cheste lote e par rivâ fint al obietîf final. Ce che al à dât al jere simpri gjavât dal so: timp, bêçs, salut, cariere... Si è sacrificât fint insom, invistint te lote dute la sò licuidazion di

professor e scugnint rinunziâ aes lezioni privadis che i coventavin par mantignî la famee.

**Ma la sò Universitât no je stade buine di assegnâi nancje una laurea "ad honorem".**

Noaltris, magari cussù no, no vin rivât adore di otignî chest ricognossiment. Par altri, al jere tal so stîl chel di no fâsi dâ medaiis. Ançje come partesan, i meritis des sôs impresis ju an gjondûts chei altriis, biel che lui al scugnive emigrâ in Canadâ. Petracco al è un om

che al à simpri paît di sachete la sò grande libertât.

**Ma il comitat e lui in particolâr o vês rivât adore di fâi dedicâ al so non une strade udinese, propit devant de sede storiche dal ateneu, palaç Antonini.**

Lis lapidis di pierre di Torean lis ai curadis jo e po o ai proponût che Petracco al fos ricognossût pubblicementri "Benemerito dell'Università friulana", cul significât che si diseve prin.

**Struche struche, i furlans meretavino o no chest impegn e chest strissinadôr?**

Lu ai dit tal 1998 e o torni a ripetilu: Petracco nus à lassât une ereditât preziose che o vin di valorizâ. No si podarès mai altri perdonâr ni al comitat ni al Friûl di lassâ che la memorie di Petracco e vadi al mancul. O vin ancjemò di cjatâ la forme par ricuardâr come cu va ai zovins de nestre Universitât la sò figure e il so esempli, par che a diventin par lôr un model di imitâ.

**Seont il so parê, ce si podaresial fâ?**

Mi plasarès che la universitât e lis amministrazions furlanis a impastanassin une zornade de Universitât furlane, par celebrâ la volontât che i furlans a an dimostrât par rivâ a vè il lôr ateneu e la di de inaugurazion dal an academic, magari, si podarès risieravâ simpri un puest speciâl pal comitat.

**LucHE NAZZI**



**Componentis dal comitat pe Universitât furlane a Glemone, vie pal 2001, cuant che e je stade intitulade la "Via Comitât Universitât furlane". Sore, il professor Giampaolo Molinari. Parsore dal titul, il president dal comitat Marino Tremonti al distapone la table "Via Comitât Universitât furlane", a Glemone, cul sindic di in chê volte Virgilio Disetti**

dâr Marino Tremonti e altriis colaboradôrs gnûfs e al à tignût dûr. E po nol jere un che ti lassave in pàs. Par dîle cun Manzoni e cun

decidût di tornâ cu la mê famee, dal 1981, cuant che o vin stât insiem a Creta.

Dopo de fondazion, ce part aial